



**Republika e Kosovës**  
**Republika Kosova - Republic of Kosovo**

**ZYRA E RREGULLATORIT PËR ENERGJI**  
**REGULATORNI URED ZA ENERGIJU**  
**ENERGY REGULATORY OFFICE**



Prishtinë, 23 mars 2023  
Kodi i ZRRE-së: V\_1684\_2023

**Bordi i Zyrës së Rregullatorit për Energji,**

bazuar në:

- Dispozitat e Nenit 15 paragrafi 1 nënparagrafi 1.5, paragrafi 3 dhe 4, Nenit 25, Nenit 26 paragrafi 1 nënparagrafi 1.2, dhe Nenit 51 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 3 paragrafi 1 nënparagrafet 51 dhe 72, Nenit 5, Nenit 33 paragrafi 4 nënparagrafi 4.1, Nenit 37, Nenit 38 dhe Nenit 62 paragrafi 7 të Ligjit për Energjinë Elektrike (Ligji Nr. 05/L-085);
- Rregullës Nr. 15/2017 për Vendosjen e të Hyrave të Furnizuesit me Shërbim Universal (FSHU);
- Dispozitat e Nenit 17 të Licencës për Furnizim me energji elektrike lëshuar ndërmarrjes "KOSOVO ELECTRICITY SUPPLY COMPANY" (KESCO) J.S.C, me numër licence ZRRE/Tr\_2014/Li\_07/17, e datës 27.04.2017;
- Vleresimin e koncentrimin të tregut të energjisë elektrike në Kosovë përmes Indeksit HHI (herfindahl-hirschman index) për vitin 2023;

në seancën e mbajtur më 23 mars 2023 nxori këtë:

**V E N D I M**  
**PËR VENDOSJEN E OBLIGIMIT TË SHËRBIMIT PUBLIK**

- I. I Vendoset të Licencuarit për Furnizim me energji elektrike "KOSOVO ELECTRICITY SUPPLY COMPANY" J.S.C (në tekstin në vijim "KESCO"), obligimi i shërbimit publik për furnizim të konsumatorëve fundorë që gëzojnë të drejtën e furnizimit universal.**
- II. Të drejtën e furnizimit si shërbim universal e gëzojnë:**
  - a. të gjithë konsumatorët familjar;
  - b. Konsumatorët jo-familjar që kanë qarkullim vjetor jo më shumë së dhjetë milion euro (10,000,000 €), ose jo më shumë së pesëdhjetë (50) punonjës;
- III. Pa marrë parasysh pikë II të Dispozitivit të këtij Vendimi, të gjithë konsumatorët fundor kanë të drejtë të furnizohen me energji elektrike në tregun konkurrues.**
- IV. Rregullatori do ti rregullojë çmimet e energjisë elektrike të konsumatorëve që gëzojnë të drejtën e furnizimit në kuadër të shërbimit universal, të cilat mbulojnë kostot e arsyeshme të furnizimit me energji elektrike.**



- V. Niveli i kostove për furnizim me energji elektrike dhe i çmimeve do të rishikohen në baza vjetore, në pajtim me Rregullën për Vendosijen e të Hyrave të Furnizuesit me Shërbim Universal.
- VI. Furnizuesi i ngarkuar me Obligimin e Shërbimit Publik, sipas këtij Vendimi obligohet që të:
- furnizojë me energji elektrike si shërbim publik sipas kushteve të përcaktuara me këtë Vendim, me licencë, si dhe me legjislacionin tjetër në fuqi;
  - informojë konsumatorët (blerësit) për të drejtat e tyre dhe kushtet e furnizimit në kuadër të shërbimit universal;
  - furnizojë me energji elektrike të një cilësie të caktuar sipas Rregullës për Standardet e Cilësisë së Furnizimit dhe Shërbimit;
  - faturtojë energjinë elektrike të livruar në pajtim me çmimet e përcaktuara nga Rregullatori;
  - publikojë tarifën në faqen e vet të internetit, së paku pesëmbëdhjetë (15) ditë para fillimit të aplikimit.
- VII. Ky Vendim do të jetë pjesë përbërëse e Licencës për Furnizim me energji elektrike të lëshuar "KESCO"-s.
- VIII. Obligimi i ngarkuar KESCO-s sipas këtij Vendimi caktohet për një periudhë prej një (1) viti dhe zbatohet nga data **01.04.2023** deri më datën **31.03.2024**.

## ARSYETIM

- Si rezultat i mungesës së konkurrencës efektive dhe me qëllim të sigurisë së furnizimit të qëndrueshëm me energji elektrike si dhe mbrojtjes së konsumatorëve, Rregullatori me datë 27 prill 2017 (Vendimi V\_916\_2017) i ka vendos KESCO për periudhën 3 vjeçare, nga 01.04.2017 deri 31.03.2020, Obligime të Shërbimit Publik për ofrimin e Furnizimit me energji elektrike si Shërbim Universal.
- Me Vendimin e datës 03 korrik 2020 (Vendimi 1268\_2020), nga arsyet e njohura të asaj kohe e që lidheshin me Pandeminë COVID19, Obligimi i Shërbimit Publik i është vazhduar edhe për një (1) vit KESCO-s, duke mbuluar periudhën nga 01.04.2020 deri më 31.03.2021. Për këtë veprim është njoftuar edhe Sekretariati i Komunitetit të Energjisë.
- Në mungesë të kuorumit të Bordit të ZRRE-së për ta trajtuar këtë çështje, ZRRE përmes komunikimit zyrtar (e-maili i datës 31 mars 2021) ka njoftuar KESCO-n se obligimi i mbetet deri me kompletimin e Bordit të ZRRE-së.
- Me Vendimin nr. 1419\_2021 të nxjerrë në mbledhjen e Bordit të datës 07.10.2021, i është vazhduar KESCO Obligimi i Shërbimit Publik si Furnizues me Shërbim Universal deri me datë 31.03.2022.




- Me Vendimin nr. V\_1501\_2022 të nxjerrë në mbledhjen e Bordit të datës 31.03.2022 i është vazhduar KESCO Obligimi i Shërbimit Publik si Furnizues me Shërbim Universal edhe për një (1) vit, duke filluar nga data 01.04. 2022 deri më 31.03.2023.
  - Në 23 mars të vitit 2023 Rregullatori ka shqyrtuar dokumentin Vlerësimi i koncentrimit të tregut të energjisë elektrike në Kosovë përmes indeksit HHI (herfindahl–hirschman index) për vitin 2022. Vlerësimi bazohet në llogaritjen e indekseve të përqendrimit të tregut, të tilla si përqindja e tregut (MS), raporti i përqendrimit (CRn), Indeksi Herfindahl-Hirschman (HHI), Treguesi i Furnizuesit Kryesor (PSI) dhe Indeksi i Furnizimit Rezidual (RSI), dhe ky vlerësim tregon se tregu i energjisë elektrike me shumicë dhe pakicë ende vazhdon të ballafaqohet me mungesë konkurrence dhe përqendrim të lartë.
  - Andaj, duke pasur parasysh rrethanat e cekura më lartë dhe duke u bazuar në legjislacionin në fuqi të cekur në hyrje të këtij Vendimi si dhe aftësitë operative të KESCO-s për të ofruar furnizimin me energji elektrike si Shërbim Universal, Rregullatori i ka vendosur KESCO-s Obligimin e Shërbimit Publik për ofrimin e Furnizimit me energji elektrike si Shërbim Universal, si në dispozitiv të këtij Vendimi.
- IX. Vendimi nxirret në gjuhët zyrtare të Republikës së Kosovës.
- X. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Bordi i Rregullatorit:

  
Ymer Fejzullahu, Kryesues

  
Lutfije Dervishi, anëtare

  
Gani Buçaj, anëtar

Vendimi i dërgohet:  
KESCO-s  
KEDS-it  
KOSTT-it dhe  
Aktivit të Rregullatorit